



SIARAN MEDIA

UNIT PENYELARASAN LONJAKAN PRESTASI (PACU) PEJABAT PERDANA MENTERI

PROGRAM MADANI RAKYAT 2025 PERAK

UNTUK SIARAN SEGERA 4 JUN 2025

Program MADANI Rakyat (PMR) 2025 diteruskan dengan pelaksanaannya mulai 13 hingga 15 Jun 2025 (Jumaat hingga Ahad) bertempat di Lumut Waterfront, Lumut, Perak.

Program anjuran Pejabat Perdana Menteri (PMO) melalui Unit Penyelarasan Lonjakan Prestasi (PACU) selaku sekretariat induk, dengan kerjasama strategik bersama Kementerian Pendidikan Tinggi (KPT) selaku kementerian peneraju dan Kerajaan Negeri Perak selaku tuan rumah mengetengahkan tema 'Pendidikan Tinggi Pemacu Negara MADANI'. PMR 2025 Perak kali ini akan memberi fokus kepada peranan institusi pendidikan tinggi sebagai pemangkin dasar dan pembangunan inisiatif yang berpaksikan disiplin ilmu seperti penyelidikan, inovasi dan pemikiran kritikal.

PMR 2025 Perak menyasarkan pengunjung melebihi 100,000 orang dari seluruh Perak serta juga dijangka menarik kehadiran pengunjung dari zon utara dan tengah tanah air.

Pengisian program merangkumi perkhidmatan *touchpoint* rakyat, inisiatif kesejahteraan komuniti, sesi bersama pemimpin, serta aktiviti Tanggungjawab Sosial Korporat (CSR) oleh Syarikat Berkaitan Kerajaan (GLC) akan turut dianjurkan selaras dengan hasrat merakyatkan perkhidmatan di samping memperkukuh aspirasi Rakyat MADANI.

Selain itu, pelbagai kaunter perkhidmatan bergerak oleh kementerian/agensi Persekutuan dan negeri serta Pihak Berkuasa Tempatan dan juga pengisian khas oleh Kerajaan Negeri Perak melalui reruai pembangunan negeri di bawah agenda Perak Sejahtera 2030, bakal menjadi tumpuan pengunjung.

Majlis Perasmian Penutupan PMR 2025 Perak akan disempurnakan oleh YAB Dato' Seri Anwar bin Ibrahim, Perdana Menteri Malaysia pada 15 Jun 2025 (Ahad) yang turut akan dihadiri oleh barisan kepimpinan tertinggi Kerajaan Persekutuan dan Negeri.

Orang ramai dijemput hadir untuk memeriahkan program ini dan memanfaatkan pelbagai perkhidmatan serta aktiviti yang disediakan. Jangan lepaskan peluang untuk memeriahkan PMR 2025 Perak di Lumut Waterfront, Lumut, Perak. Program bermula pukul 9.00 pagi hingga 10.00 malam (Jumaat dan Sabtu), manakala hari Ahad, bermula mulai pukul 9.00 pagi hingga 6.00 petang.

**Sekretariat
Program MADANI Rakyat 2025**

